

Powšitkowne WOZJEWJENJA

njedźelu, 31. julija 2016

Kónčna Boža mša z Krakowa w telewiziji

Telewizijny sćelak ZDF přenjese tutu njedźelu, 31. julija, wot 10 hodź. originalnje zakónčacu Božu mšu swětowego zetkanja młodžiny z bamžom Franciskusom. Do toho wusyla ZDF w 9.30 hodź. magacin „sonntags“. W nim póndže wo to, čehodla su swětowe zetkanja młodžiny tak wuspěšne.

Kemše z Krakowa live w Ralbicach

W Ralbicach budu dopołdniše kemše tutu njedźelu, 31. julija, hakle w 10 hodź. a nic kaž hewak we 8.30 hodź. W 10 hodź. swjeća tam zhromadnje z bamžom Franciskusom Božu mšu, kotruž w cyrkwi originalnje ze swětowego zetkanja młodžiny w Krakowje přenjesu.

Družki na zapokazanje noweho biskopa

Dekanatne dušepastyrstwo přeprašuje holcy wot 8. lětnika ze serbskich wosadow jako družki (čorny pjezik a wulke rubiško) na zapokazanje noweho biskopa Heinricha Timmereversa sobotu, 27. awgusta, w Drježdžanskej katedrali. Přizjewjenja přijimuju so hač do srjedy, 10. awgusta, w Don Boskowym domje we Worklecach, telefonowe čisło (03 57 96) 9 55 95. *Farar Gabriš Nawka*

Džakna Boža mša a grilowanje

Wšitcy serbscy wobdźelnicy swětowego zetkanja młodžiny w Krakowje a wšitcy ci, kiž njesu sobu jěć móhli, su přeprašeni na džaknu Božu mšu pjatk, 12. awgusta, w 19.00 hodź. na Kukowske hrodzišćo. Při wegetariskich grilowanych chłóšćenkach chcemy po kemšach wróćo zhladować na njezapomnite zhromadne dny.

*Farar Gabriš Nawka, dekanatny dušepastyr młodžiny
a Leńka Langec, młodžinska referentka*

Liturgiska hudźba Budyskich kantorow

Přichodny koncert w rjedže Duchowna hudźba wotměje so tutu njedźelu, 31. julija, we 18 hodź., w Budyskej tachantskej cyrkwi swjateho Pětra. Zaklinča zdžěla pozabyte a nětko z archiwa wuhryebane kompozicije cyrkwinskih hudźbnikow, kotřiž su w 19. a 20. lětstotku w Budyskej tachantskej cyrkwi skutkowali. Pod cyłkownym nawodom cyrkwinskeho hudźbneho direktora Friedemanna Böhmy spěwaja a hudža Romy Petrick (sopran), Tanja Donatec (alt), Frank Blümel (tenor), Johannes G. Schmidt (bas), projektowy chór chóroweje akademije Łužiskeho hudźbneho lěča a komorny orchester Serbskeho ludowego ansambla. Na piščelach zahraje młody organist Feliks Brojer. Wšitcy su wutrobnje přeprašeni.

Atraktiwne džěło w Domje swjateho Jana

Při nowym poskitku spěchowanja duchownje zbrašenych pyta Dom swjateho Jana w Smječkecach žónske a muske fachowe mocy předewšěm z kwalifikaciju ergoterapeuta, fyzioterapeuta, hladarja a kublarja zbrašenych a podobne. Džělowe městna maja so hnydom abo po dorěčenju wobsadzić. Džělowy čas je mjez 8.00 a 17.00 hodź. Dalše informacije dóstanu zajimcy w Smječkecach pod telefonowym čislom (03 57 96) 88 61 11.